



## **Erasmus+ projekat: Jačanje internacionalizacija u visokom obrazovanju u BiH (STINT)**

Projekat Jačanje internacionalizacija u visokom obrazovanju u BiH (*Strengthening of Internationalisation in BiH Higher Education – STINT*) finansira Erasmus+ program EU u okviru ključne aktivnosti 2 - Jačanje kapaciteta u području visokog obrazovanja, a za aktivnost jačanje kapaciteta u području visokog obrazovanja (broj projekta 561874-EPP-1-2015-1-BE-EPPKA2-CBHE-SP).

Projekat STINT naglašava i bavi se problemima koji se odnose na neusklađenosti postupaka priznavanja kvalifikacija u skladu s međunarodnim dokumentima unutar Evropskog prostora visokog obrazovanja (EHEA). Postojeće zakonodavstvo u BiH koje se odnosi na priznavanje stranih kvalifikacija nije u potpunosti usklađeno s Lisabonskom konvencijom o priznavanju. Bez usklađenog postupka priznavanja mobilnost studenata, nastavnika i nenastavnog osoblja ne može se ostvariti na prikladan način. Mehanizmi priznavanja predstavljaju kamen temeljac internacionalizacije visokog obrazovanja i mobilnosti.

Projektne aktivnosti usmjerene su na institucionalno i nacionalno jačanje mehanizama internacionalizacije i priznavanja. Neposredni rezultati projekta usmjereni su na detaljnu analizu sadašnjeg stanja u BiH, jačanje visokoškolskih ustanova kroz izradu i provedbu strategija i indikatora za internacionalizaciju, poboljšanje nacionalnog modela priznavanja, poboljšanje ljudskih i fizičkih kapaciteta VŠU, izrada kriterija za procjenu internacionalizacije i njihovo uključivanje u postojeći kriterije za akreditaciju VŠU.

Svi rezultati projekta bit će objavljeni i dostupni javnosti kako bi se osiguralo da različite ciljne skupine ostvare prednosti projekta. Uzimajući u obzir različit kulturni kontekst, jezičnu raznolikost, svi bitni dokumenti bit će prevedeni kako bi bili razumljivi i korisni široj publici, s obzirom da su širi ciljevi projekta usmjereni na zapošljavanje, nastavak obrazovanja, saradnju s međunarodnim institucijama, itd.

Očekivani učinak projekta je modernizacija sistema visokog obrazovanja u BiH, kao i jačanje kapaciteta VŠU za internacionalizaciju. Uspostavljeni i usklađeni sistem priznavanja u BiH treba pridonijeti stvaranju povezanosti između Lisabonske konvencije o priznavanju i Strategije mobilnosti EHEA 2020.

Projektne radni paketi su: procjena trenutnih mehanizama internacionalizacije i priznavanja, izrada strategija internacionalizacije i modela priznavanja, izgradnja kapaciteta, pilot aktivnosti internacionalizacije, kriteriji za procjenu internacionalizacije na univerzitetima u BiH, plan kvalitete i monitoringa, diseminacija i upravljanje projektnim aktivnostima.

Projektne aktivnosti započele su 15.10.2015. godine i traju 36 mjeseci, odnosno do 15.10.2018. godine.

Koordinator projekta je KU Leuven, Belgija, a partneri su svi javni univerziteti u BiH, Centar za informiranje i priznavanje dokumenata iz oblasti visokog obrazovanja, Agencija za razvoj visokog obrazovanja i osiguranje kvaliteta BiH, Agencija za akreditaciju visokoškolskih ustanova RS, Federalno ministarstvo obrazovanja i nauke, Ministarstvo prosvjete i kulture RS, Instituto Tecnico do Porto – Portugal i Buckinghamshire New University-UK.

Više informacija o projektu i aktivnostima možete pronaći na web stranici:

<http://stint-project.net/>.